

Gaur abiatuko da Getxoko Jazzaldia, hasiera emanez Euskal Herriko jazzaldien denboraldiari

politika



■ Miguel Sanzen inbestidura saioa hilaren 15ean egingo da

Lola Eguren Nafarroako Parlamentuko buruak UPNko Miguel Sanz izendatu zuen atzo lehen-dakarigai. Inbestidura saioa uztailaren 15ean izango da eta lehen bozketa hilaren 16an egingo dute. Sanzek gehiengo lortzeko CDN edo PSNren sustengua lortu beharko du. → 8

gizartea

■ UEUko lehen ikastaroak abian dira Baionan → 10

ekonomia

■ Arrantza: Hegaluzearen kanpainari ekin diote Hegoaldeko arrantzaleek → 15

estatuak

■ Korsika: A Cuncoltako bi buruzagi larri zauritu dituzte Bastian atentatuan → 17

nazioartea

■ Hauteskundeak Errusian: Jeltsinek botoa eman dezaten deia egin du telebistaz kanpaina amaieran → 18

kultura

■ Arrakastaz egin dute Arrosan hiru eguneko jaialdi erraldoia → 28

Alderdiek «zatiketa» gainditzen jakin dutela esan du Mayor Orejak

ETAren ekimena boikoteatu izana egotzi dio Rafa Diezek Madrilgo Gobernuari

■ ETak astebeteko etenaldiaren amaieraren berri eman bezain agudo, Madrilgo Gobernuak eta alderdi politiko gehienek berehala erreakzionatu zuten atzo. Jaime Mayor Oreja Espainiako Barne ministroaren aburuz, ETak ez dio heldu bake bideari «izututa dagoelako». Hala ere, astebeteko etenaldiaren ostean, «alderdi demokratikoen» portaera goraitu zuen ministroak, aurreikusita zuten «eszenatoki konplikatuenetako bat ETAren su-

eten batek» sorturikoa zelako, baina «alderdi demokratikoen erantzuna primerakoa» izan dela gaineratu zuen. Bere

Egibar: «Ez dugu zazpi egunetan itxaropenetik frustraziora igaro behar»


Garaikoetxea: «PSOEk eman ez zituen urratsak eman ditu (PPk), mugitzen badakiela erakutsi baitu»

Jauregi: «Erantzukizuna ETAren hegatsen uzteko gai izan gara»

Egiguren: «Gobernuak arrazoi ugari ditu Ortega Lararen askatasuna negoziatzeko»

iritziz, «zatiketa arriskua» gainditu egin dute. Rafa Diez LABeko idazkari nagusiak, berriz, Madrilgo Gobernuari ETAren bake ekimena boikoteatzea alferrik galtzea egotzi zion. EAJ eta EARI, ordea, «Aljerreko elkarriketen azken garaian» bezala «Estatuaren diskurtsoa eta euskarria» eskaini izana leporatu zien Diezek. Bere ustez, ELAren eta bere sindikatuaren agiriaren inguruan «hipokresia» handia erakutsi dute Ajuria Eneko Ituneko alderdiek.

→ 5-7



MONDELO / EFE

Cipollinik esprinterako duen dohaina erakutsi zuen atzo ere

Moncassin Zulleren maillot horitik segundo batera geratu zen

■ Mario Cipollini nagusitu zen atzo Moncassin maillot horiaren bila egoniko etapan. Cipollini azken zuzengunean ondo ibili zen eta nahikoa izan zuen esprintean ezarri ohi duen tirania beste guztien aurretik erraz nagusitzeko. Etopari bataila kutsua eman ziona Frederic Moncassin frantziarra izan zen. Zulleri maillot horia bonifikazioen bitartez kentzen saiatu zen eta liderrarengandik segundo batera geratu zen. → 20-21

Irungo Alardea: alderdiak eta erakundeak emakumeen eskubideen alde

■ Alberto Buen alkatea erreferenduma egitea aztertzen ari da konponbidea bilatu nahian → 12-13